

- predsjedniku (ispitivač administrativnog dijela ispita) 40 KM po jednom ispitanom kandidatu,
- članu (ispitivaču metodičkog dijela ispita) 40 KM po jednom ispitanom kandidatu,
- članu, koji je ujedno i zapisničar komisije, 30 KM po jednom ispitanom kandidatu.

Član 2.

Predsjedniku i članovima komisije za polaganje popravnog stručnog ispita za odgajatelje, nastavnike i stručne saradnike pripada naknada za rad u komisiji i to:

- predsjedniku (ispitivač administrativnog dijela ispita) 20 KM po jednom ispitanom kandidatu,
- članu (ispitivaču metodičkog dijela ispita) 20 KM po jednom ispitanom kandidatu i
- članu, koji je ujedno i zapisničar komisije, 10 KM po jednom ispitanom kandidatu.

Član 3.

Razlika između iznosa uplaćene naknade za polaganje stručnog i popravnog ispita i isplaćenog iznosa za rad u komisiji je prihod Budžeta Bosansko-podrinjskog kantona Goražde.

Član 4.

Danom donošenja ovog Rješenja prestaje da važi Rješenje o utvrđivanju naknade za rad u komisiji za polaganje stručnog i popravnog ispita za odgajatelje, nastavnike i stručne saradnike broj: 10-14-3238-1/13 od 07.10.2013.godine.

Član 5.

Ovo Rješenje stupa na snagu danom donošenja, a objavit će se u „Službenim novinama Bosansko-podrinjskog kantona Goražde“.

Broj:10-14-3238-5/13 **MINISTAR**
16.10.2013.godine **Dževad Adžem,s.r.**
G o r a ž d e

976

Na osnovu člana 18. Zakona o šumama („Službene novine Bosansko-podrinjskog kantona Goražde“, broj 4/13 i 5/13), kantonalni ministar za privredu, **d o n o s i**:

P R A V I L N I K **O UVJETIMA KOJE MORAJU** **ISPUNJAVATI IZVOĐAČI RADOVA** **U ŠUMARSTVU**

Član 1.

Ovim se Pravilnikom propisuju uvjeti koje moraju ispunjavati privredna društva i druga pravna lica (u daljem tekstu: izvođači radova) koji izvode radove u šumarstvu.

Član 2.

Izvođenje radova u šumarstvu može obavljati izvođač radova pod uvjetom da je upisan u sudski registar, da je stručno i tehničko-tehnološki osposobljen u pogledu izvođenja radova i da upošljava odgovarajući broj stručnih kadrova.

Kantonalno ministarstvo za privredu Bosansko-podrinjskog kantona Goražde (u daljem tekstu: Kantonalno

ministarstvo) izdat će rješenje (licencu) privrednim društvima i drugim pravnim licima koja su upisana u sudski registar na području Bosansko-podrinjskog kantona Goražde, a na osnovnu mišljenja stručne komisije o ispunjenosti uvjeta iz stava 1. ovog člana, bez kojeg izvođač radova ne može učestvovati na licitaciji za ustupanje i izvođenje radova u šumarstvu.

Član 3.

Radovi u šumarstvu za čije izvođenje se izdaje rješenje (licenca) o ispunjenosti uvjeta u skladu sa ovim Pravilnikom su sljedeći:

- šumsko-uzgojni radovi (priprema zemljišta za prirodno podmlađivanje, pošumljavanje, njega i čišćenje šumskih kultura i sastojina),
- iskorištavanje šuma (sječa i izrada šumskih drvenih sortimenata, privlačenje i iznos od panja do kamionskog puta i transport drvnih sortimenata),
- radovi na održavanju i izgradnji šumskih komunikacija i pratećih objekata.

Član 4.

Izvođači radova koji obavljaju radove u šumarstvu u skladu sa članom 3. ovog Pravilnika moraju imati stalno uposlene radnike koji za obavljanje radova u šumarstvu imaju najmanje stručno obrazovanje kako slijedi:

1. Za šumsko-uzgojne radove: jedan diplomirani inženjer šumarstva/master sa jednom godinom radnog iskustva i jedan bachelor šumarstva/šumarski tehničar sa tri godine radn-

og iskustva i odgovarajući broj PK i NK radnika.

2. Za iskorištavanje šuma: jedan diplomirani inženjer šumarstva/master i jedan bachelor šumarstva/šumarski tehničar sa tri godine radnog iskustva, po jednog kvalificiranog radnika za svako mehanizirano sredstvo s kojim se izvode radovi i odgovarajući broj PK i NK radnika koji obavljaju poslove iznošenja i izvlačenja drvnih sortimenata sa animalom.
3. Za održavanje i gradnju šumskih komunikacija i pratećih objekata: jedan diplomirani inženjer šumarstva/master ili građevinarstva/master sa jednom godinom radnog iskustva ili jedan bachelor šumarstva/tehničar šumarstva ili građevinski bachelor/tehničar građevinarstva sa tri godine radnog iskustva, po jednog kvalificiranog radnika (rukovaoca) za svako mehanizirano sredstvo pri izvođenju radova i odgovarajući broj PK i NK radnika.

Član 5.

Izvođači radova za dobijanje rješenja (licence) o ispunjavanju uvjeta za obavljanje radova u šumarstvu obavezni su uz zahtjev koji je sastavni dio ovog Pravilnika Kantonalmom ministarstvu dostaviti sljedeću dokumentaciju:

- dokaz o stalno zaposlenim radnicima M-2;
- dokaz o stručnoj osposobljenosti zaposlenih;
- dokaz o tehničkoj ispravnosti sredstava za rad
- rješenje o registraciji firme kod nadležnog suda.

Član 6.

Izvođači radova o ispunjavanju uvjeta u pogledu stručne spreme iz člana 4. ovog Pravilnika dokazuju:

- za visoku i srednju stručnu spremu prilaganjem diplome, odnosno svjedočanstva izdatog od nadležne institucije za obrazovanje;
- za kvalificirane radnike (rukovaoce) prilaganjem diplome ili svjedočanstva izdatog od nadležne institucije o sticanju kvalifikacije ili uvjerenja od ovlaštene institucije.

Član 7.

Tehničko-tehnološku opremljenost izvođači radova dokazuju sa uredno popunjenim listama sredstava rada i dokumentima o tehničkoj ispravnosti mehaniziranih sredstava s kojima se izvode radovi.

Član 8.

Izvođač radova je obavezan da osigura sve neophodne uvjete sigurnosti na radu u skladu sa zakonskim propisima.

Član 9.

Kontrulu ispunjavanja uvjeta propisanih ovim Pravilnikom vršit će kantonalni šumarski inspektor. U slučaju da kantonalni šumarski inspektor zapisnički konstatuje određene nepravilnosti, naložit će otklanjanje tih nepravilnosti u određenom roku, koji ne može biti duži od 45 dana, a u slučaju neotklanjanja tih

nepravilnosti u ostavljenom roku predložit će Ministarstvu za privredu Bosansko-podrinjskog kantona Goražde uklanjanje riješenja (licence) izvođaču kod koga su konstatovane nepravilnosti.

Član 10.

Izvođači radova koji obavljaju radove iz člana 3. ovog Pravilnika obavezuju se da usklade svoju djelatnost s odredbama ovog Pravilnika najkasnije u roku od šest mjeseci od dana njegovog stupanja na snagu.

Član 11.

Odredbe ovog Pravilnika ne odnose se na kantonalna šumsko-privredna društva (javna preduzeća).

Član 12.

Ovaj Pravilnik stupa na snagu danom donošenja, a naknadno će se objaviti u „Službenim novinama Bosansko-podrinjskog kantona Goražde”.

Broj:04-26-2651/13
05.11.2013.godine
G o r a ž d e

MINISTAR
Demir Imamović,s.r.

.....